

臨期調撥及查先年供事等官合用蔬菜參政參議副使各官每月每員給銀五兩知府同知通判推官指揮都司每員每月各給銀三兩知縣縣丞主簿典史千百戶每員每月給銀二兩於兵役二食各船號旗俱在於該司庫貯項下支用所議未盡事宜聽守巡等官從宜斟酌徑自備由呈撫按衙門等因通行各案緣准分守海北道參議王俊民咨稱會同分巡副使范嵩巡海道副使李傳擇於八月二十八日聞採捕各兵夫食糈今次各地螺蚌稀少且又嫩小得珠難比往年又訪濱海父老眾口同聲名夫船在海忍饑餓涉風濤已經三月有餘寒苦殊堪憫惻行據委官同知章諄等查勘過病故軍壯船夫三百餘名溺死軍壯船夫二百八十餘名及風浪打壞船大小七十六隻又飄流無着人船三十隻除將病故溺死量加撫卹外相應亟請停止等情到司伏查廣東地方頻年兵荒人民窮困今又值潮水泛漲風汎不便訪得各處刷船之時買免賣放大關地方總甲需索之弊官者既以貨免所刷多係下戶船隻舊而且壞所用撐駕人夫多催無賴滋擾更甚且夤夜打劫商船虜附近村鄉甚至汚人妻女爲害不可勝言沿海之民俱欲逃竄意外一變亦未敢言等情到臣該臣看得惠潮等府碣石海豐等衛縣十分饑饉高州等府去年雖收春夏以來民皆窮餓嗷嗷待哺梧州等府五月以來西水泛漲民廬漂泊早稻淹沒秋成無望臣日夜惶懼竊以官何爲以此時而議採珠也何不以珠之不可採而告之陛下也蓋採珠有不可者三一曰理二曰勢三曰時不可採而不採陛下之心也知其不可採而不爲陛下言之臣之罪也臣聞之書曰不作無益害有益功乃成不貴異物賤用物民乃足夫不害有益是以無益不可作也不賤用物是以異物不可貴也但無益之作未有不害有益者異物之貴未有不賤用物者蓋持衡之勢此重則彼輕聖人審輕重之理終不以此而益彼也故堯舜抵璧於山投珠於淵正爲此耳且自有珠池以來祖宗時率數十年而一舉天順年曾一行之至宏治年始一行之至正德年始又一行之夫祖宗時非不用珠也而以爲無益則不必用矣非不採珠也而以爲不可採則止耳陛下法堯舜法祖宗此臣所以斷之理而知其不可採者一也且螺蚌之產珠也一採之後數年而始生又數年而始長又數年而始老計自天順至宏治十二年嘗之者多以獲嫩小故得珠有限且病死者幾何人溺死

者幾何人而得珠幾何或謂以人易珠由今以觀恐易以人而珠亦不可得此臣所以度之勢而知其不可採者二也又廣西地方盜賊縱橫蠻獠盤據田土荒落調度頻煩凡宗室祿米官軍俸糧大半仰給於廣東近者思田之殺其取給又不止十之八九故廣東者廣西之府藏也府藏空則人命危矣目今嶺東西兩道所在饑民待哺申訴紛紛盜賊竊發饋餉不給未有息肩之期而於斯時復令採珠坐視府縣派銀派夫派船誠恐民愈窮而斂愈急將至無所措其手足而意外之變難保其必無此臣所以揆之以時而知其不可採者三也考漢順帝時桂陽太守文鬱獻大珠詔却之曰海內頗有災異朝廷修政大官減膳珍玩不御文鬱不竭忠宣力而遠獻大珠以求媚其封還之元仁宗時賈人有售美珠者近侍以爲言曰吾服御雅不喜飾以珠璣生民膏血不可輕耗汝等當廣進賢才以恭儉愛人相規不可以奢靡蠹財相導臣仰見陛下聰明睿智仁孝恭儉遠邁二君此事特偶爾行之亦斷斷知其不可採也或謂珠之爲用成造王府珠冠等項臣以爲陛下之於諸王寵之以恩禮洽之以忠信厚其祿餼且使知陛下不以綺麗而傷儉素親親之情彌久而彌篤又何論一冠之重輕耶故曰知其不可而不爲陛下言者臣之罪也此臣所以不揣狂妄披瀝肝腸敬持三不可之說冒昧塵瀆伏願陛下法古先以恭明命昭令德以示四方尚恩禮以篤宗親敦樸素以遠珍麗省財力以厚黎元乞敕戶部將採珠暫賜報罷則一方之民得稍休息俾海濱咸呼萬歲矣嘉靖八年十二月十五日題

乞撤內臣疏

林富

題爲應詔陳言廣聖模以答天戒事竊臣看得廣東海濱與安南占城等番接壤先年設有內臣監驗進貢物迨後慶州合浦縣屬之楊梅青嬰等池雷州府遂溪縣屬之樂民一池出產珍珠名設內臣分池管理成化宏治間樂民池產珠日少內臣等正年裁革惟廉州內臣高存臣竊計供應之費市舶六監與珠池六監額編軍民殷實人戶卷八十名額編門子弓兵皂隸估稅利德亦復不少查往歲番船必三四年入貢一次是番船未至之年六監徒守株以待實無所事事也迨番船既至則多方以攘其

擬舉衙門官吏不敢過問而亦並不與知萬一自粵海疆是誰之咎至珠池約計十餘年開採一次守池太監一年所費不下千金十年動以萬計割萬金之費守二池之珠於十年之後其得珠幾何止所謂利不能藥其所傷獲不能補其所亡也况逾年新編殷實及所估匠役無故納銀以供坐食民力堪憐民膏宜惜臣愚以為市舶大監及珠池太監俱可不必再差以貽日腹月削之害市舶乞救海道副使兼管待番船至澳即同備倭提舉等官嚴加巡邏若向來未曾通貢生番如佛郎機之屬則驅逐不許入境少有疎虞聽臣糾參庶幾事權歸一而外患不生倘欲照浙閩事例歸併鎮太監但兩廣與他省不同總監駐劄梧州於番船到日始從梧州前詣廣東省城恐所過地方難免滋擾且使番商守候非所以柔遠人肅政體此臣所以為不如歸海道副使兼管之為便也若珠池乞救海北兵備道兼管更為稱便何也地係該道統轄既免編額供需而且責成亦專禁令易行而民困可蘇也若謂珠池乃寶源重地宜委內使但內外皆皇上臣子倘重內而輕外誠恐倚勢為姦專權滋事害有不可勝言者此臣所以為不如歸海北兵備道兼管之為便也伏乞皇上軫念邊海軍民窮蹙已甚特敕該部將市舶珠池內臣撤回降勅巡視海道及海北兵備道以專責成則省內使之費不啻齊民數千家之產而地方幸甚微臣幸甚嘉靖九年十月二十日起

教民製造水車疏

清粵 班 第

竊廣東廉州府所屬州縣向稱土瘠民貧臣上年十二月巡閱營伍路經該處目擊高下原隰頗多溪河環繞不乏水利而荒地未闢間有墾闢形跡仍成廢土者不一而足詢之高雷道王傑據稱廢地僻遠民俗愚陋惟知平疇引灌之利其山嶺高阜雖去水不遠皆不諳引水自下而上之法或止墾闢旱田或竟荒棄不治以致稻田不廣地利未盡現在知府周碩勳勸諭用車引水高阜亦可成田民多不曉經該府製造水車成式用牛駕運水俱逆流在於郊外河邊試演里民聚觀歡呼以為目所未睹又繪圖詳註刊佈遠近使各做照惟是水車每架需費五兩小民憚於措費仍致因循似應准其備領倉穀照式製備免息還倉庶其利可普等語臣查用車引水南北各省均諳其法有脚踏手挽牛運之不同製式大小相仿粵省廣韶惠潮等府處處有之惟廉

郡僻在邊徼民竟不知爲何物致將近水高阜不能開墾成田此誠爲民上者所當實心教導之事但勸行之始必使民深悉其費省而利多始踴躍措辦今止刊式散佈若令借穀置備仍恐不免觀望且易滋抑勒追擾之弊臣與布政使石柱籌議酌發銀一百兩分慶州府知府周碩勳製造牛運水車二十架分發附府之合浦縣各鄉永爲公物示諭里民徧行試演俾各知用力不勞引水甚易當必遠近倣效自爲措費置備而高地漸可成田於民食自多裨益如果地方官實心勸導成田日廣道府核實冊報卽照例題請分別議敘以示鼓勵除飭遵外臣謹將查辦緣由恭摺奏明乾隆十九年二月

勸墾水田疏

楊應琚

竊照廣東高雷廉等府山深土曠本屬尚有可耕之地未經墾闢乾隆十年間經前督臣策楞查出官荒七萬五千餘畝恭摺奏報仰蒙聖主持沛恩綸以此等地故山崩磽瘠者居多令該地人民墾種一概免其陞科并令地方官給予印照永爲世業欽此仰見我皇上愛養黎元恩深渙浹迭經招民墾闢免其報陞迨乾隆十二年又續報墾荒二萬四千餘畝查明亦係山崩瘠土合遵恩旨體料理惟是其間有附近水次堪以墾作水田之處每因民間未諳引灌之法或僅墾闢成苑或竟聽其荒闕於地利尚多未盡前經廉州府知府周碩勳製有水車教民引灌復經前署督臣班第奏明動項製造分發附府之合浦縣試演於乾隆十九年四月內奉到硃批知道了欽此欽遵臣自抵任後因思營治稻田固應代製引灌之具然尤須董勸有方始可使民間咸相則效隨與廣東撫臣鶴年面商公同飭諭該府實力勸導查該府屬周碩勳稟請督同合浦縣知縣廖佑齡先在近城之五里亭地方寬有官荒一區自備工本雇募江南熟習農業之人開成水田五十畝以爲倡率秋間收穫頗豐於是遠近鄉民咸知營治之方無不踴躍趨事計乾隆十九年秋冬二季該府屬各縣民共承墾水田三千六百四十餘畝奉行有效欽查二州縣亦查出近水荒地共七百餘畝均堪墾作水田又查高州府申覆石塘縣查出官荒一百五十餘畝內有堪以穿渠引灌者亦有祇堪種植雜糧者臣查各該府僻處邊海人稠田少民間多闕尺寸之土卽多收升斗之儲且水田所獲倍於旱田地

果能墾治得宜則收成自可增益今嚴州府水田現在墾闢漸多於民食甚有裨益其餘查出荒地臣同撫臣鶴年現今該飭地方官各隨水旱之宜實力勸墾水田俟開闢成熟照例陞科其山崗瘠地僅能種植雜糧者仍飲遵恩旨免其報陞至有應需添製水車之處或即酌借公項俾令措辦有資田疇日開以仰副我皇上重農教稼惠保無疆之至意所有臣查辦情形暨嚴州府屬已詳有成據緣由謹會同廣東撫臣鶴年合詞恭奏伏祈睿鑒訓示乾隆二十年正月初五日

分轄議

湘海北
趙可懷

謹按廉郡僻在邊隅南濱大海東西北三面盡接粵西層巒疊嶂鳥道羊腸寇盜生發虜劫頻聞緣兩省交界之地狡兔多窟東擊則西遁陽索則陰藏越省捕緝呼應不靈豕突狼奔如蹈無人之境生民安有甯宇哉如橫州鬱林貴縣興業遠者無論今已郡城東百餘里即廣西博白地插入合浦界奸民倚恃隔屬嘯聚莫可究詰考博白唐乾元初尚隸嚴州自宋開寶四年始改隸廣西本道愚以為廉江自福棉而流始大由福棉歷博白經府城西入海計程不滿五百里今截河之上游予廣西而以下游屬廣東揆之形勢殊多未合况博白距梧州鬱林尚遠真去鯨城則順流一夕可達倘仍以博白屬嚴州不惟奸宄便於稽查而民生與鹽政海疆均上裨益何也蓋博白所產米穀多於合浦而合浦所產魚鹽又以轉資博白詎博白以邊疆為利藪而合浦又以魚鹽為壑斷兩邑相持各不相下東省西省視若讐仇若博白屬廉則貿運有無兩邑交賴於民便於政和矣博白食鹽全仰給於合浦惟地隔兩省以致私鹽充斥引滯課絀東省司議詰官莫可如何若博白屬唐則緝私甚易按限督銷以裕課惠民洵稱兩便至為籌邊起見廉郡密邇交夷所轄會漢欽州不饒五穀靈邑又隔重山設一旦邊疆有事芻糧軍需僅仰給於一州二縣則貽誤匪輕惟以博白歸嚴州則邊郡無虞單薄緩急足恃可抒南顧之憂者此也昔人建議欲以廣東之開建屬梧州欲以廣西之博白屬慶州誠以開建乃梧之接壤而博白為廉之右翼又非一介之臆說也

前策以撫按意見不合不果行

鄙人鍾振議原州高橋以東雷州洪山堡以西因石城縣一縷之地雜入雷廉二州之境直抵海濱〔十旁〕往年盜賊據牛路
貳一員穴而石城奸民潛與交通接濟糧食遂致猖獗而石城之西合浦之東北又爲博白縣境如青頭營洗米江樵村曹村
等處久爲通逃藪惟科勾攝莫敢嚮通時出盜竊牛馬劫掠商旅與海寇爲聲援愚謂雷廉之不靖石城博白爲之祟也往時
太守張公岳議欲遷博白縣於白沙江不果而巡按姚虞嶺海圖亦云以肇慶府之開建易博白在梧肇不爲損而在廉則其
益誠如二公言則百世之利奈勢難猝行嘗考之山川稽之衆論莫若於息安以西海川以東擇適中便利之所移駐府縣佐
港爲巢以資彈壓而以合浦之海岸新興與忠三鄉屬之而石城博白二縣之地錯於雷廉之間者悉相其山川別其封域割
以昇之焉使雷廉之界截然齊一不得以別屬參入其間則盜源可靖矣

附文徵二

關於
建置者

廉郡修城記

田致謫
郡人 坐 錄

我朝興圖一統邊郡城墉屹然廉州邊郡也城基於宋至洪武初始增築焉西出於江者為舊城宣德間擴東之枕於郊者為新城周匝千丈有奇環以二濠麗譙四峙串樓千間畜聚容民崇文宣武其制乃備嘉靖癸卯前守詹公文光以串樓高峻歲患颶風採木陶瓦更為雉堞奈工務速成多草率雨溢土解迭見傾頽後有續修亦因陋乘便未嘗計久遠也嘉靖二十九年歲庚戌太守何公淮任首履保障不期速成而期鞏固越甲寅秋西省蠱熾連侵潯南諸郡公聞之惕然曰唇亡齒寒安敢弗戒乃謀於寮屬分飭軍民戍守公於子夜躬親省閱諸於上官修樓櫓備器械飭內外巡舖又慮城北曠僻建營據其要衝設兵守之城東南二郭門疏遠易犯爰命分工監築改為月城浹月而工竣居民恬息蓋屹然金湯矣由是寇賊無敢窺居民得安堵鄉大夫咸偉公之績欲壽以碑屬鐸記之鐸惟設險守國防於古而沿於今所係綦重今公修城備警以保障我廉人厥功懋哉謹紀其略以告後之守土者公名御字子憲號藍川福建福清人嘉靖戊戌進士飽德而優於文章練才而利於經濟公之守廉也救荒除盜鋤強暴植柔懦興教化其有功於斯民甚厚不獨一城工也因并記之維時分段監修則同知陳翰指揮僉事范濟台浦令胡濟世照磨周球合浦尉黃嵩千戶相鐸陳一鳳王庭槐襄其事者皆得併書於石昔嘉靖二十三年甲寅

廉州府修城碑記

明僉 薛夢雷 汝奮

廉州為左粵支郡襟海而控交夷西距邕管東抵高涼北連蒼梧南極瓊瓊地勢遠闊民習夷(羊旁)羯又近有媚川之機羣不逞望洋內觀逼於珠池者餘皇相接也郡城孤懸至阨危可為憂慮余自蜀還專臬備兵其地蒐獮之隙登陴以望高不踰仞雉

牒崩剝外野居民四顧薦莽心戒（馬旁）之己詢故事蓋戊寅冒議增繕黃庀工未半輒中罷因循再寒暑日就頽圯余卽下檄督郡邑有司而適攝代不報者久之壬午沈守應科自吳來領茲郡余首以城咨守曰唯唯守清敏而肅給腹畫心計既有執事亟來告曰今茲之舉視舊費實鉅向議者弗度變問而飾文率不省可否凡登計費二千四百餘緡城未成十之一而費已糜六之一以故不支而罷大役難興奈何余曰盍更之無何復來告曰計費微獨浮且與工不相值有議改而今宜沿者有議仍而今宜益者有議爲周慮而度太繁者有議委土覆篲而實寬賢者有宜稍葺其罅者崇其巖樓者一一而聽之可減費三之一矣余曰盍酌之無何又來告曰城以衛民悅道使之矣向惟取給莞庫錙銖備息夫公家之蓄幾何鑄木鑲冰難以經用吾因石於山因灰於石因木於林以陶以鍛是天地自然之利也向工役惟取給巫廡卒乘日且不足夫公家之役幾何填海移山捉襟肘見績用弗成吾計日以庸計庸以丁更丁以日程日而休是子來丕作之衆也此雖隆之金湯不可勝用矣余曰可乃下教曰披籍鳩工於法宜覈議改者非甚壞不得更議仍者卽稍壞不得漏繁者殺土者賢庠（金旁）者葺樓者崇丈咫揣算毋冒外賢內土毋□城土之垣累其質候融之臺隆其址以農隙丁夫踐更用之毋令妨農且不均計終役卽丁僅一日勞耳民咸歡欣趨治又析城四所分管董正而以單令輔統督夫里府幕孫應登敦陶事銜暮阜天性敦石事邑丞趙仲礪敦友事主簿張樑敦木事輩而先者慶窳而後者讓著日規景登登言言椽椽橐橐挺人獻殿施人輸石鍛人呈灰柝人伐卉採人奏櫓凡百工役輒領茲（金旁）矍（金旁）眷揭餼糈之屬翕然競趨課直以售稍食蓋六閱月畢事僅用七百餘緡守學告成余乃躬環周視崇墉修塹傑觀覆垣千雉歸如百堵截如四樓暈如閩城堅完緻密塹塹壁立是足以銷不逞備他盜無患矣守請余記其事余惟城者成也保大滋豐是圖又感也復隍綢繆是慮故王公設險聖人城民豈偶也哉曩錯壤山海而民險與賊共而城以陵遲苟安童子狎而游之是以城予敵也往釁無論卽辛巳蛋變致勤我師幸及橫革今偃羽銷燧雖號小康烏可愒而不講竊怪世之司民社者務姑息以市恩節削以干譽忌諱逡巡盡壞日生幸毋及其身令他人任之卽或喜事者起而圖之而非常之事原難與慮始動

觸千厥首尾餘幾儉則中廢侈則終累雖曰省費息民實以殫賄駭衆戊寅之役非不斷有成議顧始之相度不經繼之調劑無政工起而用竭卒令繼者重易軌不欲受勞民傷財名如匪行遙道謀是用此廉之所以無成城也曾不思疆圉弗完脫有巨測鹵掠蕩焚豈直百城之費守土者將焉道之故春秋城邢城鄆城郟城楚邱國不絕書而城韓城齊城朔方詩必稱之至於公侯宗子喻之奈之何其不亟圖也是役也勾命羸縮哀益困草勞搏力均乏伸溢法悉當機宜實爲沈守及諸大夫之功有慮財無淫物有稱事無濫正不啻苞桑而四維之暫勞永逸事半功倍語曰哲夫戍城其在斯乎余何力之有聊紀以示後之守邊疆者

重修文廟記

唐熙丁一年

合浦黃河源

國有成均鄉有膠庠學校之設歷夏商周迄今莫之有易廉陽府縣合爲一學右那暮靠五黃水環山擁蔚爲人文士三豎然列賢書而升司教者指不勝屈自鼎革後求一舉於鄉者亦罕覩焉蓋學宮爲士子講學論道之所委靡頹廢無人過問則人文之衰頹固宜太守徐公來守茲土下車時見廉州人士流離瑣尾捉衿肘見納履踵決而公惻然以作養人才爲己任繼念學宮傾圮乃率僚屬共捐清俸伐木於松鑿石於山丹堊棊米不賦而集工師役徒弗相而遠始於壬子孟秋成於季冬其間築之營登度之薨薨者不役民間一夫丹楹刻桷美輪奐者不費里中一緡爰進諸生而告之曰士不患無念學之不成不患不向學患不知所以學爾諸生歸而求之洗濯磨淬既登聖賢之堂思入聖賢之域庶幾爾業與茲學俱新也諸生唯唯受命而退成相諳曰惟太守之嘉言偉績不可以無記余親承訓迪當書紳以志不忘故因多士之請而記之

重建合浦學宮記

合浦胡 溱

合浦海北雄藩也漢武平而越置合浦郡郡之附郭邑亦稱合浦歷漢晉迄元明郡雖屢廢而縣之名則仍顯考之五代不聞有

學洪武中始立學於府學左以附祭焉嘉靖十五年改建於城外之南屯明末旋圮復附祭府學國朝康熙四十年再建南屯舊址卽今地也然不二十年亦廢雍正癸卯縣令鈕君曾次第修復事因陋就簡規模狹小有學之名而未備學之制也今去鈕君未五十年而此一椽片瓦又將有茂草之歎春秋二祭致不能成禮焉辛巳余承乏斯土目擊凋敝謀所以修舉之而力有未逮越明年丁祭爰詔紳士而語之曰人之爲學所以明道修德規法乎先聖先賢也學宮弗建將曷自率士子以時習禮俾望車服禮器而興起其感慕耶浦邑之科第絕響殆數十年於茲矣得毋由固陋自安學制弗備故無篤志規法者於焉考德講業以底於成歟今者余欲備完厥制以一洗積陋風邑人士其衆論僉同否維時聞者咸踴躍興奮俯首順應有退越數日糾其同志共捐義助請吉啟工余深喜浦人士之易與爲感而聖廟之得以備完其制也亟爲之聞地誅茅鳩工庀材重建大殿兩廡暨泮水榭星齋宇廨舍悉備而財聖名宦鄉賢諸祠亦類及焉嗚呼天之生人也不域其方人之向善也不擇其地合濶濱海鄰夷鮮覩文物聲名之盛乃一動以矩聖規賢尊德樂道卽莫不踴躍奮興思有以盡其瞻仰之誠者是知人之有心成可與變惟有感之者其道何如耳繼自今聖廟可永垂不朽無復附祭建復之憂而浦人士亦欣欣向善以待習禮且考德恆於斯講業恆於斯焉吾知菁莪棫樸濟濟多材登上第擢巍科固章中事卽所謂規法乎先聖先賢而正誼明道之儒亦當必有繼起其人者是實余之厚望也工既成咸屬記於余余因考自古興廢之跡且備述邑人士踴躍之誠如此維時率先賑捐者某某助捐者則載諸他碑以不沒其善云

募建明倫堂引言

合浦翁忠瀚
知縣

郡有府學黜學蓋自明始也洪武二年冬十月詔天下府縣皆立學諭中書省曰治國之要教化爲先教化之道學校爲本斯言也真明體達用之言也夫教化以學校爲先而學校以明倫爲本明倫堂爲禮延師儒教授生徒講論聖道之要區也合浦縣學舊無明倫堂或曰前明文廟在城南之外兵火燬燼修復時移學署於城內遂不建堂於城外城內限於地而止或曰府文廟